

SLUŽBENI GLASNIK OPĆINE BREZA

Godina VI Broj: 6.

Breza, 29.12.2004.godine

BOSNA I HERCEGOVINA
FEDERCIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
- Općinsko vijeće -

Broj:1/1-02-2105/04
Breza, 29.12.2004.godine

Na osnovu člana 2. Zakona o budžetima u Federaciji BiH ("Sl.novine FBiH" broj: 20/98), člana 22. tačka 5. Zakona o lokalnoj samoupravi ("Sl.novine ZE-DO kantona" broj 13/98) i člana 27. tačka 4. te člana 96. Statuta Općine Breza ("Sl.glasnik Općine Breza" broj 1/99, 4/99 i 7/99), Općinsko vijeće Breza, na prijedlog Općinskog načelnika na sjednici održanoj 29.12.2004.godine, donijelo je

BUDŽET OPĆINE BREZA ZA 2005.GODINU

Budžet Općine Breza za 2005.godinu sastoji se od:

- P R I H O D I	1.695.160 KM
- R A S H O D I	1.675.160 KM
- TEKUĆA REZERVA	20.000 KM

Prihodi i izdaci za period od 01.01.2005. - 31.12.2005.godine utvrđeni su u Bilansi prihoda i izdataka.

PREDSJEDAVAJUĆI
Općinskog vijeća
Vinko Pandža,s.r.

.....

O B R A Z L O Ž E N J E

I - PRAVNA REGULATIVA

Budžet je procjena godišnjih prihoda i primitaka, te utvrđeni iznos izdataka i drugih plaćanja.

Budžet se odnosi na fiskalnu godinu i važi za godinu za koju je donesen.

Pravni osnov za donošenje Budžeta Općine Breza sadržan je u članu 22. tačka 5. Zakona o lokalnoj samoupravi, prema kojem Općinsko vijeće donosi budžet na prijedlog Općinskog načelnika.

Dodatni propisi za izradu budžeta su:

- Zakon o proračunima - budžetima FBiH;
- Zakon o pripadnosti javnih prihoda ZE-DO kantona;
- Zakon o porezima ZE-DO kantona;
- Zakon o građevinskom zemljištu FBiH
- Zakon o komunalnim naknadama;
- Zakon o porezu na promet nepokretnosti;
- Zakon o koncesijama ZE-DO kantona;
- Zakon o cestama FBiH, itd.

II - UVODNE NAPOMENE

Kod izrade Budžeta za 2005.godinu, koristili smo smjernice "Dokument okvirnog Budžeta 2005. Federacije BiH", upućeno od Federalnog Ministarstva finansija, a bazira se makroekonomski gledano na Srednjoročnim okvirima rashoda 2005.-2007.godina.

Navedene smjernice obuhvataju:

- 1) - makroekonomske perspektive i projekcije prihoda,
- 2) - opšti fiskalni okvir i okvir potrošnje,
- 3) - pregled ključnih pitanja upravljanja jednom potrošnjom i njihovih implikacija po alokaciju resursa,
- 4) - prioritete potrošnje i smjernice vezane za resurse.

Makroekonomski gledano stopa rasta GDP-a trebalo bi dostići procent od 5,3% do 2007.godine, sa procjenjenih 3,5% u 2003.godini. Procjenjuje se sa da će inflacija ostati na niskom nivou od oko 1,5% godišnje u toku cijelog perioda.

U 2005.godini osnovna karakteristika javne potrošnje je:

- javna potrošnja je ograničena na nivo 2004.godine, sa tendencijom pada (potrošnja na plate 1%) u narednih 3 godine
- transfere i kapitalne izdatke planirat na nivou aktivnosti 2004.godine, sa znatnim povećanjem alokacija javnih investicija u narednom periodu

Planiranim Budžetom za 2005.godinu izvjesno je poslovanje bez budžetskog deficita, mogućnost izmirenja dijela dugovanja iz ranijih godina i izrada programa u tom cilju, te pristupiti politici izrade razvojnog budžeta orijentiranog na efikasnijem prikupljanju javnih prihoda i programskim ciljevima u kojima je prioritet revitalizacija privrede, mogućnost ulaganja u infrastrukturu.

III - OBRAZLOŽENJE POJEDINIH RJEŠENJA

PRIHODI

Prihodi Budžeta Općine Breza u 2005.godini planirani su u visini od 1.695.160 KM.

Struktura plana prihoda je slijedeća:

- Porezni prihodi 677.000 KM
- Neporezni prihodi 1.018.160 KM

UKUPNO: 1.695.160 KM

Prihodi su planirani na osnovu njihovog ostvarenja u proteklom periodu tekuće budžetske godine.

Porezni prihodi čine 40% ukupno planiranih prihoda, a prikupljaju se na kantonalni račun javnih prihoda i odgovarajućim procentom (80 : 20 u korist Kantona) vraćaju se na budžet općina, izuzev ako nije drugačije određeno.

Općinski organi nemaju uticaj na prikupljanje ovih prihoda, jer porezni prihodi vežu se za angažovnje kantonalnih organa (Poreska uprava) i Zakone većeg nivoa vlasti (Zakon o poreznoj upravi i njihove ingerencije).

Po prvi puta u ovoj skupini poreza javljaju se Posebni porezi za zaštitu od prirodnih i drugih nesreća, a u skladu sa Zakonom o spašavanju ljudi i materijalnih dobara od prirodnih i drugih nesreća ("Sl.novine FBiH" broj 39/02). Prikupljaju se u visini od 0,5% na neto plate i isplaćene ugovore. Koriste se namjenski, za zaštitu ljudi i materijalnih dobara, u okviru Službe civilne zaštite.

Neporezni prihodi čine 60% ukupno planiranih prihoda u 2005.godini.

Planirani su na bazi važećih propisa koji reguliraju ovu oblast poreza. Prikupljaju se direktnim uplatama poreskih obveznika na općinske budžete, izuzev prihoda od koncesija i posebnih naknada za ceste.

Prihodi od koncesija i posebnih naknada za ceste uplaćuju se na zbirni kantonalni račun, a onda u odgovarajućem omjeru, a na osnovu zakonskih propisa, vrši se pražnjenje na račune općina.

Prihod od koncesija (Zakon o koncesijama - Prečišćeni tekst Sl.Novine ZE-DO Kantona broj 5/03) planirana su u iznosom od 10.000,00 KM. Na području Općine Breza prijavljena su dva preduzeća koja vrše eksploataciju prirodnih resursa i dužna su uplaćivati koncesionu naknadu i to: "RKB" krečnjak Breza i "Sanex" d.o.o. Breza.

Prihodi od općinskih naknada (Tabela Prihoda stav 4.) i Ostali prihodi od omovine - prodaja zemljišta (Tabela Prihoda stav 2..3) planirani su na osnovu podataka dobivenih od Službe za prostorno uređenje, zaštitu okolice, geodetske i imovinsko-pravne poslove (rješenja, projekti i sl.), a kako slijedi:

- Naknada za korištenje građevinskog zemljišta	395.465,40
- Naknada za komunalne usluge	106.212,90
- Zakupnina	14.500,00
- Naknada za uređenje građevinskog zemljišta	50.000,00
- Izdavanje izvoda iz plana i cijepanja parcela	6.000,00
- Prihod od prodaje	100.000,00

Općinske takse planirane su u iznosu od 145.000,00 KM. U ove prihode uvrštavaju se administrativne takse (opšte takse, takse koje plaćaju društva u postupku utvrđivanja ispunjenosti uslova za obavljanje djelatnosti, takse iz oblasti samostalnog privređivanja, građevinske takse i takse u imovinsko-pravnim postupcima) i komunalne takse (taksa na istaknutu firmu, taksa za zauzimanje trotoara i ostalih slobodnih površina).

Prihodi od Posebne naknade i takse tj. prihodi za ceste planirani su za 27% više nego u prethodnoj godini iz razloga njihovog većeg ostvarenja u proteklih 9 mjeseci, a koje je 24% veće u odnosu na plan za isti period. Visina ovih prihoda utvrđena je na osnovu Zakona o cestama FBiH (Sl. Novine FBiH broj 6/02) i Pravilnika o načinu uplate javnih prihoda budžeta i izvanbudžetskih fondova na teritoriji FBiH. Sredstva se troše namjenski, i to za:

- zimsko održavanje lokalnih puteva direktno plaćanje izvođaču radova sa budžeta Općine (tabela Izdaci - stav 4g..8)
- infrastruktura Općine - sredstva za puteve, kanalizacija i slično - dotacija na žiro račune Mjesnim zajednicama (tabela Izdaci - Potpore, stav 1-Grantovi MZ).

Prihodi od pružanja usluga ostalim čine naknade troškova komisije za tehnički pregled i refundacije troškova za učinjene usluge drugim od strane Općine Breza.

Novčane kazne su prihodi ubrani na osnovu novčanih kazni izrečenih po općinskim propisima.

- POTPORE -GRANTOVI -

- Prihodi po ovom osnovu nisu planirani. Ukoliko dođe do njihove realizacije, biti će naknadno razvrstani za njihov utrošak, a u skladu sa zakonskim propisima.

IZDACI

- Izdaci za 2005.godinu planirani su na nivou projiciranih prihoda i iznose 1.695.160 KM, za pokriće izdataka korisnika budžetskih sredstava.

Bilanca izdataka data je u tabelarnom prikazu br. 2-Izdaci.

Strukturu planiranih izdataka u Budžetu za 2005.godinu čine:

NAZIV	IZNOS KM	% UČEŠĆA
Bruto plaće i naknade	550.000	32,44
Doprinos poslodavca	61.000	3,60
Naknade troškova zaposlenih i vijećnika Općinskog vijeća	220.000	12,98
Izdaci za materijal i usluge	323.660	19,10
Grantovi - tekući transferi	395.500	23,33
Kapitalni izdaci	89.000	5,25
Izdaci za kamate	36.000	2,12
Budžetska rezerva	20.000	1,18
UKUPNO	1.695.160	100

PLAĆE I NAKNADE

Bruto plaće i naknade sa doprinosom poslodavca planirane su u iznosu od 611.000 KM što je 36,04% ukupnih rashoda. Organ uprave Općine Breza ima 56 uposlenih radnika u 7 službi i 7 uposlenih u Centru za socijalni rad Općine Breza. Plaće se isplaćuju po Zakonu o radnim odnosima i plaćama službenika organa uprave u Federaciji BiH ("Sl.novine FBiH" br. 13/98).

NAKNADE TROŠKOVA ZAPOSLENIH I VIJEĆNIKA OPĆINSKOG VIJEĆA

Naknade troškova zaposlenih i skupštinskih zastupnika planirani su iznosom od 220.000 KM. Obuhvataju naknade za topli obrok radnika (dozvoljena neporeziva suma 2% od prosječne neto plaće FBiH), naknade za prevoz radnika, vijećnička naknada (planiran iznos od 130 KM po jednom zastupniku vijeća u mjesecu uz obračunati porez od 30% na 130 KM).

Regres za godišnji odmor (70% plate radnika, namještenika po prosječnoj plaći Federacije BiH objavljen u posljednjem mjesecu prije isplate), isplata komisijama vijeća, te naknada predsjedniku vijeća, a na osnovu Odluke o naknadama članovima stalnih i povremenih tijela Općinskog vijeća broj: 01/1-023-55/98 od 22.01.1998.godine.

IZDACI ZA MATERIJAL I USLUGE

Ukupni planirani izdaci za materijal i usluge u budžetu za 2005.godinu iznose 323.660 KM, i u ukupnom iznosu izdataka budžeta iznose 19,10%.

Planirani su na bazi nastalih rashoda za prvih 9 mjeseci 2004.godine. Značajnije povećanje u odnosu na prethodne godine ovih troškova, doprinosi zimsko održavanje cesta (Stav 4g..8 koje se knjiži u okviru stava Izdaci za tekuće održavanje).

POTPORE-GRANTOVI

- **Potpore drugim nivoima vlasti** planirane su u visini od 131.000 KM i to:

- **Izdaci za finansiranje tužbe Republike BiH protiv državne zajednice Srbije i Crne Gore** u visini od 10.000 KM.

- **Grantovi mjesnim zajednicama** planirani su iznosom od 121.000 KM. Koristit će se za finansiranje infrastrukture po mjesnim zajednicama i vođenje drugih aktivnosti.

- **Grantovi pojedincima**-planirana sredstava u visini od 34.000 KM, i to: za jednokratne pomoći Centru za socijalni rad 26.000 KM, pojedinačna davanja, izdaci za vojne invalide 2.000 KM i izdaci za finansiranje prevoza učenika 6.000 KM, a na osnovu Zaključka Općinskog načelnika.

- **Grantovi neprofitnim organizacijama** u visini 114.000 KM.

- Sredstva političkim partijama iznose 30.000 KM, a raspoređena su na način da se 30% sredstava raspoređuje jednako svim političkim partijama-strankama, a 70% ukupnog iznosa se raspoređuje srazmjerno broju poslaničkih mjesta koje svaka parlamentarna partija-stranka ima u trenutku raspodjele.

- Grant udruženja građana obuhvata sredstva za sport u visini od 50.000 KM i udruženja u visini od 34.000 KM od toga boračke populacije 14.000 KM (SUBNOR, RVI, Porodice Šehida, JOB-unija veterana) i ostala udruženja 20.000 KM.

Subvencije javnim ustanovama iznose 66.000 KM i to finansiranje dječijeg obdaništa 30.000 KM, grijanje srednjih škola 30.000 KM i primarna zdravstvena zaštita 6.000 KM.

-**Subvencije za razvoj poljoprivrede** planirane su u visini od 25.500 KM i trošit će se po određenim Programima razvoja za Općinu Breza - podsticaj poljoprivredne proizvodnje.

- **Izdvojena sredstva-posebni porezi** u visini od 25.000 KM jesu sredstva koja će se koristiti za zaštitu ljudi i materijalnih dobara, a prema Zakonom od spašavanja ljudi i materijalnih dobara od prirodnih i drugih nesreća ("Sl.novine FBiH" broj 39/03) i Uputstva za korištenje istih.

Kamate na domaće pozajmljivanje planirane su na osnovu otplatnog plana po kreditu za vodosnabdijevanje općine i iznose 36.000 KM (kamate u okviru dva anuiteta godišnje).

Kapitalni izdaci čine 5,25% ukupno planiranih izdataka. Finansiranje po ovom osnovu obezbjeđeno je iz prihoda od prodaje zemljišta i prihoda općinskih naknada. Obuhvataju sljedeće stavke:

- | | |
|--|-----------|
| - Otplata kredita za vodosnabdijevanje (otplata u okviru anuiteta) | 44.000 KM |
| - Nabavka opreme | 5.000 KM |
| - Opremanje Protokola - šalter sala | 30.000 KM |
| - Opremanje prostorija Vijeća | 10.000 KM |

Tekuća rezerva iznosi 20.000 KM ili 1,17% budžeta Općine, a koristit će se za finansiranje eventualno nastalih rashoda koji nisu predviđeni budžetom, a nastanu tokom 2005.godine.

Služba za opću upravu i finansije

PRENESENE OBAVEZE - PRIJEDLOG IZMIRENJA

Prenesene obaveze su neizmirene obaveze iz prethodnog perioda, od prilike od 1996.godine do danas.

Visina ukupno neizmirenih obaveza je **560.105,42 KM**.

Izvorni dokument za navedenu obavezu je komisijski zapisnik od 19.11.2004.godine - primopredaja dužnosti aktuelnog i novoizabranog Načelnika Opštine Breza.

Slijedeći odredbe pozitivnih zakonskih propisa o finansijskom poslovanju neizmirene obaveze se moraju izmiriti, što je dijelom u prethodnim fiskalnim budžetskim godinama činjeno, međutim, izmirenjem starijih obaveza, nisu se podmirivale novonastale i tako u nedogled do sadašnjeg vremena.

Sugestija predlagača Opštinskom vijeću Breza je davanje načelne saglasnosti da se neizmirene obaveze ne kalkulišu-uračunavaju u izdatke Budžeta za 2005.godinu, nego da se sukcesivno izmire u narednom četverogodišnjem budžetskom razdoblju.

Ovom prilikom bi naglasili cijenjenim vijećnicima da je pitanje neizmirenih obaveza na ovaj način riješila Vlada ZE-DO kantona u suglasnost Skupštine, te da se ovaj model pokazao efikasnim, gdje se za nepunu godinu dana riješila vitalna pitanja, a finansijski rezultati više nego efikasni.

Dakle, predlagač se obavezuje da svake naredne fiskalne budžetske godine iz dijela obećanih grantova kantona, budžetskih rezervi, namirenja potraživanja Opštine Breza i ostalih stečenih vanrednih prihoda, izmiri prenesene obaveze.

U slučaju prihvatanja prijedloga, predlagač se obavezuje da će putem nadležne službe, Opštinsko vijeće redovno, a najmanje dva puta godišnje pismeno informisati o visini i načinu otplate prenesenih obaveza, nakon čega će vijeće zauzeti svoje mišljenje.

SLUŽBA ZA OPĆU UPRAVU I FINANSIJE

Na osnovu člana 1. i 36. Zakona o proračunu-budžetu ("Službeni list FBiH", broj 20/98) i člana 98. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 29.12.2004. godine, d o n o s i

O D L U K U

o izvršavanju Budžeta Općine Breza za 2005. godinu

I - OPĆE ODREDBE

Član 1.

Ovom Odlukom se uređuje način izvršavanja Budžeta Općine Breza za 2005. godinu (u daljem tekstu Budžet), upravljanja prihodima i izdacima Budžeta, te prava i obaveze korisnika budžetskih sredstava.

Član 2.

Opći dio Budžeta se sastoji od bilansa prihoda i izdataka, a poseban dio sadrži detaljniji raspored izdataka za tekuće transfere.

U bilansu prihoda i izdataka iskazuju se porezni i neporezni prihodi i drugi prihodi i principi, te izdaci utvrđeni za finansiranje javnih izdataka na nivou Općine Breza na osnovu zakonskih i drugih propisa.

II - TRANSPARENTNOST I JAVNOST BUDŽETA

Član 3.

S ciljem obezbjeđenja transparentnosti Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana. S ciljem javnosti upravljanja javnim novcem izvršenje Budžeta Općine Breza će se objaviti, ukupno i po budžetskim korisnicima u "Službenom glasniku Općine Breza".

III - REVIZIJA I KONTROLA BUDŽETA

Član 4.

Reviziju Budžeta vrši Ministarstvo finansija - Ured za reviziju.

Nadzor nad finansijskim materijalnim i računovodstvenim poslovanjem te nad zakonitom i namjenskom upotrebom budžetskih sredstava od strane korisnika obavlja Ministarstvo finansija, kao organ sa višeg nivoa i Komisija za nadzor Budžeta formirana od Općinskog vijeća, u skladu sa članom 39. Poslovnika o radu Općinskog vijeća Breza.

Komisija za Nadzor budžeta izvještava Općinsko vijeće o trošenju budžetskih sredstava, u pravilu svakih šest mjeseci.

IV - IZVRŠAVANJE BUDŽETA

Član 5.

Sredstva Budžeta osiguravaju se budžetskim korisnicima koji su u dijelu Budžeta određeni kao nosioci sredstava po pojedinim pozicijama.

Korisnici Budžeta sredstva Budžeta koriste samo za namjene koje su određene Budžetom, i to do visine utvrđene u njegovom posebnom dijelu.

Član 6.

Budžetski korisnici sredstva Budžeta koriste u skladu sa svojim godišnjim finansijskim planom.

Član 7.

Prilikom dogovaranja uslova za ispunjenje obaveza koje se podmiruju iz Budžeta, korisnici Budžeta su dužni uzimati u obzir dinamiku priliva i odliva sredstava.

Član 8.

Postupak nabavke investicionih dobara i usluga obavlja se u skladu sa Zakonom o javnim nabavkama BiH ("Službeni glasnik" BiH" broj 49/04).

Član 9.

Budžet se izvršava na osnovu mjesečnih i tromjesečnih planova za izvršenje Budžeta, a u skladu sa raspoloživim sredstvima, čime se ujedno utvrđuje dinamika izvršavanja Budžeta.

Član 10.

Općinski načelnik-Služba za opću upravu i finansije izvršava mjesečno i tromjesečno finansijske planove po korisnicima u skladu sa raspoloživim sredstvima.

Član 11.

Općinski načelnik-Služba za opću upravu i finansije dostavlja tromjesečno, polugodišnje i devetomjesečne izvještaje Ministarstvu finansija Kantona, kao i godišnji konsolidovani izvještaj, nakon predaje završnog računa u Poreznu ispostavu.

Član 12.

Općinski načelnik je dužan do 30. aprila tekuće godine izvjestiti Općinsko vijeće o izvršenju budžeta za prethodnu godinu, na usvajanje.

Član 13.

Općinski načelnik-Služba za opću upravu i finansije je obavezan izvjestiti Općinsko vijeće o izvršavanju Budžeta za prvo polugodište fiskalne godine najkasnije do 15. augusta tekuće godine.

Član 14.

Neutrošena sredstva po pojedinim stavkama iz mjesečnog plana izvršavanja Budžeta Služba prenosi na iste stavke u naredni mjesečni plan izvršavanja budžeta u okviru budžetske godine.

Član 15.

Izuzetno, izdaci koji nisu predviđeni ili izdaci koji zahtijevaju prekoračenje pojedinih stavki mogu se podmiriti samo uz saglasnost Općinskog vijeća.

Član 16.

Općinski načelnik uz odobrenje Općinskog vijeća odlučuje o budžetskoj rezervi, ukoliko je planirana Budžetom za tekuću godinu.

Član 17.

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

Član 18.

Transfer za političke partije raspoređivat će se na način da se 30% sredstava raspoređuje jednako svim parlamentarnim partijama-strankama, a 70% od ukupnog iznosa se raspoređuje srazmjerno broju poslaničkih mjesta, koja svaka parlamentarna partija-stranka ima u trenutku raspodjele.

Član 19.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-2106/04
Breza, 29.12.2004

PREDSJEDAVAJUĆI
Općinskog vijeća
Vinko Pandža, s.r.

.....

Na osnovu člana 65. stav 3. Zakona o radnim odnosima i plaćama službenika organa uprave u Federaciji BiH ("Službene novine FBiH", broj 13/98) i člana 27. i 49. Statuta Općine Breza ("Službeni glasnik Općine Breza", broj 1/99, 4/99, 9/99), Općinsko vijeće Breza na sjednici održanoj dana 29.12.2004. d o n o s i

O D L U K U

o rasporedu radnog vremena službenika i namještenika organa uprave Općine Breza

Član 1.

Ovom Odlukom utvrđuje se radno vrijeme službenika i namještenika službi za upravu Općine Breza i to:

- **PONEDJELJAK, UTORAK, SRIJEDA i ČETVRTAK** radno vrijeme počinje u 7,³⁰ a završava u 16,⁰⁰ sati.

- **PETAK** radno vrijeme počinje od 7,³⁰, a završava u 15,³⁰ sati.

Član 2.

Ova Odluka će se primjenjivati počev od 03.januara 2005. godine.

Član 3.

Ova Odluka stupa na snagu danom donošenja, a naknadno će se objaviti u "Službenom glasniku Općine Breza".

Broj: 01/1-02-2108/04
Breza, 28.12.2004.

PREDSJEDAVAJUĆI
Općinskog vijeća
Vinko Pandža,s.r.

.....

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-1938/04
Breza, 02.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na prvoj konstituirajućoj sjednici održanoj dana 02.12.2004. godine, d o n o s i

R J E Š E N J E

o razrješenju predsjedavajućeg Općinskog vijeća Breza

I

SEAD SMAILBEGOVIĆ razrješava se funkcije predsjedavajućeg Općinskog vijeća Breza zbog isteka mandata.

II

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

DOSTAVLJENO:
1x Sead Smailbegović,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

.....

Broj: 01/1-02-1938-1/04
Breza, 02.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na prvoj konstituirajućoj sjednici održanoj dana 02.12.2004. godine, d o n o s i

o izboru predsjedavajućeg Općinskog vijeća Breza

1

Za predsjedavajućeg Općinskog vijeća izabran je **VINKO PANDŽA**, sin Ante, rođen 1941. godine, po zanimanju diplomirani inženjer strojarstva.

11

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

DOSTAVLJENO:
1x Vinko Pandža,
1x 01/1,
1x Arhiva.

PREDSJEDAVAJUĆI
Općinskog vijeća
Sead Smailbegović, s.r.

.....

Broj: 01/1-02-2018/04
Breza, 14.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 14.12.2004. godine, d o n o s i

o izboru zamjenika predsjedavajućeg Općinskog vijeća Breza

11

Općinskog vijeća
Vinko Pandža, s.r.

11

Predsjednik i članovi Komisije za propise razrješavaju se dužnosti zbog isteka mandata.

III

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

DOSTAVLJENO:

5x Predsjednik i članovi komisije,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2021-1/04
Breza, 14.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 14.12.2004. godine, d o n o s i

RJEŠENJE

o imenovanju predsjednika i članova Komisije za propise

1

U Komisiju za propise imenuju se:

1. Sabina Lepić, predsjednik,
2. Sead Kovačević, član,
3. Edina Čorbo, član,
4. Maida Tatar, član,
5. Hasan Subaša, član.

11

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

DOSTAVLJENO:

5x Predsjednik i članovi komisije,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža.s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2022/04
Breza, 14.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 14.12.2004. godine, d o n o s i

RJEŠENJE

o razrješenju predsjednika i članova Komisije za izbor i imenovanja

1

Razrješavaju se dužnosti predsjednik i članovi Komisije za izbor i imenovanja:

1. Muharem Frljak, predsjednik,
2. Ahmed Čiva, član,
3. Sead Smailbegović, član,
4. Mehmed Frljak, član,

11

Predsjednik i članovi Komisije za izbor i imenovanja razrješavaju se dužnosti zbog isteka mandata.

III

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

DOSTAVLJENO:
4x Predsjednik i članovi komisije,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2022-1/04
Breza, 14.12.2004. godine

sjednici održanoj dana 14.12.2004. godine, d o n o s i

o imenovanju predsjednika i članova Komisije za izbor i imenovanja

1

U Komisiju za izbor i imenovanja imenuju se:

1. Ahmed Turbo, predsjednik,
2. Zakir Silajdžić, član,
3. Elmedin Telalović, član,
4. Branka Trogrlić, član,
5. Esmeralda Kaplan, član.

11

Ovo rješenje stupa na snagu danom donošenja, a naknadno će se objaviti u Službenom glasniku Općine Breza.

5x Predsjednik i članovi komisije,
1x 01/1,
1x Arhiva.

Općinskog vijeća
Vinko Pandža, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-2107/04
Breza, 29.12.2004. godine

Na osnovu člana 22. tačka 4. Zakona o lokalnoj samoupravi ("Službene novine Zeničko-dobojskog kantona", broj 13/98) i člana 27. tačka 2. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza, na drugoj redovnoj sjednici održanoj dana 29.12.2004. godine, d o n o s i

RJEŠENJE

o razrješenju Općinskog načelnika Općine Breza

I

ĆAMIL ZAIMOVIĆ, dipl.ing.rudarstva, razrješava se funkcije Općinskog načelnika Općine Breza zbog isteka mandata, zaključno sa danom 29.12.2004. godine.

II

Ovo rješenje stupa na snagu danom donošenja, i isto će se objaviti u Službenom glasniku Općine Breza.

DOSTAVLJENO:
1x Ćamil Zaimović,
1x 01/1,
1x Arhiva.

PREDSJEDAVAJUĆI
Općinskog vijeća
Vinko Pandža,s.r.

.....

SADRŽAJ

- 78. Budžet Općine Breza za 2005. godinu.
- 88. Odluka o izvršavanju Budžeta Općine Breza za 2005. godinu.
- 90. Odluka o rasporedu radnog vremena službenika i namještenika organa uprave Općine Breza.
- 91. Rješenje o razrješenju predsjedavajućeg Općinskog vijeća Breza.
- 92. Rješenje o izboru predsjedavajućeg Općinskog vijeća Breza.
- 93. Rješenje o izboru zamjenika predsjedavajućeg Općinskog vijeća Breza.
- 93. Rješenje o razrješenju predsjednika i članova Komisije za propise.
- 94. Rješenje o imenovanju predsjednika i članove Komisije za propise.
- 95. Rješenje o razrješenju predsjednika i članova Komisije za izbor i imenovanja.
- 96. Rješenje o imenovanju predsjednika i članova Komisije za izbor i imenovanja.
- 97. Rješenje o razrješenju Općinskog načelnika Općine Breza.

.....